
ANNO DOMINI MCLI

BERNARDI
CARTHUSIÆ PORTARUM PRIORIS PRIMI
EPISTOLÆ TRES

(Vide Patrologiæ tom. CLIII, col. 885)

ANNO DOMINI MCLI

S. RAINARDUS

ABBAS CISTERCIENSIS V

NOTITIA IN RAINARDUM

(*Gall. Christ.* t. IV, c. 985)

Rainardus, filius Milonis comitis Barri super Sequanam, ex monacho Clarævallensi assumptus in abbatem Cistercii 1133 perfititur a Waltero Cabilonensi pontifice; quo anno memoratur in charta ejusdem Walterii pro monasterio S. Petri (1). Statuta saluberrima condidit anno seq. seu potius statuta capitulorum generalium collegit. Anno 1128 S. Petro Stamedii primo abbati in Sabaudia præcepit ut oblatum Tarrentasiensem archiepiscopatum acciperet. Petrum Abelardum cum S. Bernardo Clarævallensi abbate ad finem mensis Septembris anni 1140 reconciliavit. Eodem circiter anno scripsit ad Innocentium II papam pro Humberto Æduensi episcopo contra monachos Vezeliacenses; cumque hoc ipso anno agerentur comitia generalia Cistercii, pactum fecit cum Hugone et monachis Præmonstratensis ordinis, quo neutri monachos alterius ordinis in suum recipere liceret, neque abbatias ædificare, nisi eo intervallo, quo inter se distant Præmonstratense et Suessionense S. Medardi monasteria, ac insuper cavetur ne mutuz querelz aliis quam monachis utriusque ordinis finiendæ committantur, ex tabul. Bolbonæ. Scribit ad eum Petrus Venerabilis, lib. v, epist. 25, de quo etiam Exordium Cisterciense, lib. 1, cap. 28, et Vincentius in Speculo hist. lib. xxvii, cap. 27. Idem ann. 1148 visitatur ab Eugenio III summo pontifice in capitulo generali, et hic cœmeterium abbatiz consecravit. Aduit autem Rainardus consecrationi ecclesiz S. Lazari Æduensis, factæ an. 1146 ab Humberto episcopo diœcesano; tandemque plurimis cœnobiis maximo religionis bono conditis, obdormiuit in Christo 1151, ut est in Supplemento Sigeberti, xvii Kal. Januarii, et martyrologio Cisterciensi; cujus in morte doluit S. Bernardus: *Dominus, inquit, epist. 270, Cisterciensiu deseruit nos, magna plaga in ordine, mihi vero duplex incumbit mœroris ratio, qui in uno homine et patrem amisi et filium. Et nunc habemus pro eo domnum Gozuinum Bonæ-Wallis abbatem.* De Rainardo etiam ita loquitur scriptor æqualis vitæ B. Stephani Obazinæ abbatis, lib. ii, cap. 11. *Eo tempore Cisterciensiu præerat abbas nomine Rainardus, vir... nullis facile comparandus: siquidem elegantia personæ, generis nobilitate, humilitatis decore, religionis fervore, cunctis quibus præerat abbatibus præeminebat, et sancte religionis vigore flagrabat, ut ignis superaret ardorem, et exterius tanta dulcedine præeminebat, ut mellis uceret suauitatem.* Vide tom. II. Miscellon. Baluzii, pag. 117 et seq. ac Menologium Cisterciense ad diem 16 Maii.

(1) Prob. Hist. Cabilon. pag. 50.